

ձձ.

Արդէն լուեալ էք զմեռանիլ սուլթան օսմանին իւրով հիւանդութեամբ, և թէ ի նոյն օրի ի 29 հոկտ. նստաւ փոխանակ նորա սուլթան մուստաֆան որդի սուլթան անմէտին բազում խաղաղութեամբ...: Այ սակաւ փոփոխութիւն եղև մեծամեծաց ի թագաւորէն վրէժ առեալ վասն եղբոր իւրոյ գեղակորոյս լինելոյ կամակցութեամբ նոցա ընդ առաջնոյն: (Հ. Իզն. առ Մեղզու նեան, 1757 Նոյեմբ. 18. Կ. Պոլիս):

ձձա.

Յամին 1757 հոկտեմբերի 29 ի 4 ժամուն նախ քան զկէս գիշերն մեռաւ տաճկաց թագաւորն սուլթան օսմանն, և ընդ առաւօտն ի 30 հոկտ. բերեալ զսուլթան մուստաֆան զ42ամեայն զորդին սուլթան անմէտին նստուցին ի տեղի նորա խաղաղութեամբ առանց ճիկ հանելոյ ուրուք ի յուժաւորաց. և ի նոյեմբերի 23.ին յաւուր հինգշաբաթի գնաց յէջիպ, և ընդ մէջ ածաւ թուր, և թագաւորեաց ուրախութեամբ ամենեցուն: (Հ. Զարարիս առ Մեղզունեան, 1757 Նոյեմբ. 19. [Կ. Պոլիս]):

ձձբ.

Վասն եզրմեան աթոռոյն ծանիք, զի է այն զործած հնդկաց եկեալ ի հնդկաստանէ. և է լեալ սա աթոռ փաշայից զզըլպաշի. այլ և տաճկաց. և ի սատակել թահմազին եաղմայ արարեալ. և ազոյցք նորա ոչ են հասարակ ոսկր, այլ փղոսկր. իսկ փայտն է անփուտ և անգիւտ, զորոյ երկու սիւնակոն ուխտիւք խնդրեալ, խլեցին յայլ շինուած և ի տեղի նորա զայլ փայտ եղին¹: (Հ. Մկրտիչ Անանեան առ Մեղզունեան, 1757 Նոյեմբ. 19. [Կ. Պոլիս?]):

ձձգ.

Յաղագս պատերազմի այսչափ ինչ լսեմք առ ժամանակօքս, զի ասեն նէմցէք զբերդն ըշվայնից, երկու անգամ զրոհ տուեալ ի վերայ և անկեալ են ի նէմցէից մինչև յառնուլ զքաղաքն 6000 զինուորք, և հանեալ են ի քաղաքէ աստի երկու միլիօն ոսկի, կէս միլիօնի մթերգ և զէնք պատերազմի յամենայն տեսակաց անհամար. և զայս քաջութիւն արար նատաշտի սպարապետն: Ապա յետ այսորիկ առին և չպոասլաւ. յետ այսր պատահեալ միմեանց զօրք թագուհոյն ընդ զօրաց պուռչին կոտորեալ են զ5 գլխաւոր զօրագլուխս և 20000 զօրս, առին և զքաղաքն բռիք և պաշարեալ են արդ զքաղաքն նայս: (Հ. Թապեռս վրդ. [Կ. Պոլսեցի Գրիգորեան] առ Մեղզունեան. 1757 դեկտ. 9. [Փերրովարատիւն]):

ձձդ.

Ի կողմանէ պատերազմաց միշտ անպակաս է զրոյց. յանցեալսն թագուհին յաղթեաց բանակի պրուչին որ էր քառասուն հազարաց. և էառ զամենայն կահ կարասի նորա. և քնաց պրուչին

1. Այս հնդկական փղոսկրազարդ գեղեցիկ գահը կը գտնուի ցայսօր ի Ս. Ղազար Լորա Պայրճնի սենեակին մէջ.